




Broj: 01-50-1-15-31/16
Sarajevo, 20.6.2016.

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29-06-2016			
Organizaciona jedinica	Klasifikaciona oznaka	Redni broj	Broj priloga

ZAPISNIK
31. sjednice Predstavničkog doma
Parlamentarne skupštine Bosne i Hercegovine,
održane 15.6.2016.

Sjednica je počela u 10, 05 sati. Prisustvovalo je 39 poslanika.

Odsustvo su opravdali poslanici Saša Magazinović i Momčilo Novaković.

Sjednici su prisustvovali predsjedavajući i članovi Vijeća ministara BiH.

Iz međunarodnih organizacija sjednicu su pratili predstavnici OHR-a i EUSR-a, predstavnici američke, britanske i italijanske ambasade, a iz nevladinih organizacija prisustvovao je predstavnik CCI-ja.

Predsjedavajući je na početku sjednice obavijestio Dom o tome da poslanici Kluba SNSD-a neće prisustvovati sjednici.

Predsjedavajući Doma Mladen Bosi rekao je da će poslanicima, u skladu s članom 171. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 172. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- Maja Gasal-Vražalica - predsjedavajućem Vijeća ministara BiH
- Saša Magazinović - predsjedavajućem Vijeća ministara BiH
- Aleksandra Pandurević – ministru vanjske trgovine i ekonomskih odnosa BiH
- Denis Bećirović – ministrici odbrane BiH
- Amir Fazlić - ministru komunikacija i prometa BiH
- Safer Demirović – ministru vanjske trgovine i ekonomskih odnosa BiH
- Šemsudin Mehmedović - ministru komunikacija i prometa BiH
- Salko Sokolović - ministru vanjske trgovine i ekonomskih odnosa BiH
- Borislav Bojić - predsjedavajućem Vijeća ministara BiH
- Dušanka Majkić – ministru pravde BiH
- Damir Arnaut – ministru finansija i trezora BiH
- Hazim Rančić - ministru finansija i trezora BiH
- Momčilo Novaković - Vijeću ministara BiH
- Senad Šepić - predsjedavajućem Vijeća ministara BiH
- Mirsad Đonlagić – ministru civilnih poslova BiH
- Šefik Džaferović - Vijeću ministara BiH
- Nermina Kapetanović – ministru sigurnosti BiH

Ove najave su, u skladu s članom 172. Poslovnika, dostavljene predsjedavajućem Vijeća ministara BiH i onom članu Vijeća ministara BiH na kojeg se pitanje odnosi. Predsjedavajući je podsjetio da je osiguran direktan TV prijenos ovog dijela sjednice, u skladu s članom 171. stav (1) Poslovnika.

Nakon ovih napomena, pristupilo se usmenom postavljanju poslaničkih pitanja i davanju odgovora redoslijedom dostavljanja najava.

Maja Gasal – Vražalica

Pitanje upućeno predsjedavajućem Vijeća ministara BiH u vezi s dostavom buketa cvijeća i bombonjera nekim ženama povodom Međunarodnog dana žena, s potpisom predsjedavajućeg VMBiH (pitanje dostavljeno u pripremi 27. sjednice): „Da li ste tu finu gestu finansirali iz budžeta BiH? Ako jeste, iz kojeg fonda su uzeta sredstva?

- Predsjedavajući Vijeća ministara BiH Denis Zvizdić nije prisustvovao sjednici Doma u dijelu koji se odnosi na usmena poslanička pitanja. Poslanica Maja Gasal – Vražalica izrazila je nezadovoljstvo neprisustvom predsjedavajućeg VMBiH, te zatražila odgovor u pisanoj formi.

Saša Magazinović nije prisustvovao sjednici.

Aleksandra Pandurević

Pitanje upućeno ministru vanjske trgovine i ekonomskih odnosa BiH: „Iz medija nam je poznato da ste još prošle godine pokrenuli inicijativu za uvođenje plavog dizela za poljoprivrednike. Dokle je stigla ta inicijativa, da li postoje novi problemi koji koče njenu realizaciju i kada poljoprivrednici mogu očekivati da će kroz izmjene i dopune Zakona o akcizama dobiti plavi dizel?“

- Odgovor na pitanje dao je ministar vanjske trgovine i ekonomskih poslova BiH Mirko Šarović. Poslanica Aleksandra Pandurević komentirala je dobiveni odgovor.

Denis Bećirović

Pitanje upućeno ministrici odbrane BiH: „Pitanje se odnosi na državnu imovinu Bosne i Hercegovine. Država Bosna i Hercegovina, kao i svaka druga država, ima svoju državnu imovinu. To je jasno iz Ustava BiH, Dejtonskog mirovnog sporazuma, a o tome govori i Venecijanska komisija. Bosna i Hercegovina je kao država jedina učestvovala u sukcesiji imovine bivše SFRJ, imamo zvanične zakone koji su na snazi, imamo odluke visokog predstavnika, i konačno obavezujuću odluku Ustavnog suda BiH koja se odnosi na državnu imovinu. Uprkos, dakle, i Ustavu i zakonu načelnik Općine Laktaši, zajedno s ministrom entitetskog MUP-a u Republici Srpskoj, donio je jedan nezakonit pravno ništavan Ugovor o prijenosu vlasništva kasarne Zalužani u vlasništvo MUP-a entiteta Republika Srpska.

S obzirom na to da je riječ, dakle, o antiustavnom i nezakonitom aktu i da tih 35 ha imovine pripadaju isključivo državi Bosni i Hercegovini zapanjuje da nismo imali gotovo, ili ne gotovo, već nikakve reakcije od nadležnih državnih organa, niti od OHR-a koji je također nadležan da reagira, moje pitanje je upućeno ministrici odbrane gospođi Marini Pendeš – šta je ona konkretno, kao ministrica odbrane, uradila u vezi s ovim antiustavnim i antizakonitim činom?“¹

¹ Izvod iz neautoriziranog transkripta 31. sjednice Predstavničkog doma PSBiH

Ministrica odbrane BiH Marina Pendeš nije prisustvovala sjednici Doma. Poslanik Denis Bećirović izrazio je nezadovoljstvo neprisustvom ministrice, kao i odnosom prema ovom pitanju (pitanju državne imovine). Istakao je da će pitanje ponoviti na narednoj sjednici, kada bude omogućeno postavljanje pitanja u usmenoj formi.

Amir Fazlić

Pitanje upućeno ministru komunikacija i prometa BiH (u vezi s Informacijom o mogućnostima prelaska sa standarda DVB-T na standard DVB-T2): „Koji su razlozi prelaska na ovaj standard? Koji su tehnički razlozi za izmjenu standarda? Koliko ukupno poskupljuje proces digitalizacije ova promjena standarda?“

- Odgovor na pitanje dao je ministar komunikacija i prometa BiH Ismir Jusko. Poslanik Amir Fazlić izrazio je zadovoljstvo dobivenim odgovorom i zatražio ga u pisanoj formi.

Safer Demirović

Pitanje upućeno ministru vanjske trgovine i ekonomskih odnosa BiH: „Da li je bilo napretka u proteklom periodu u ispunjavanju uslova BiH prema Energetskoj zajednici i ako jeste, koji su uslovi ispunjeni, odnosno šta je još preostalo da BiH usvoji kako bi se ukinule sankcije Energetske zajednice prema BiH?“

- Odgovor na pitanje dao je ministar vanjske trgovine i ekonomskih odnosa BiH Mirko Šarović. Poslanik Safer Demirović izrazio je zadovoljstvo dobivenim odgovorom i zatražio odgovor u pisanoj formi.

Šemsudin Mehmedović

Pitanje upućeno ministru komunikacija i prometa BiH (u vezi sa izgradnjom Pelješkog mosta): „Ko u ime BiH pregovara o ovom pitanju? U kojoj su fazi ovi pregovori? Kakve je tehničko – transportne uslove BiH postavila u pregovorima? Da li su u pregovore uključeni stručnjaci iz međunarodnog pomorskog prava?“

- Odgovor na pitanje dao je ministar komunikacija i prometa BiH Ismir Jusko. Poslanik Šemsudin Mehmedović izrazio je nezadovoljstvo dobivenim odgovorom i zatražio odgovor u pisanoj formi.

Salko Sokolović

Pitanje upućeno vanjske trgovine i ekonomskih odnosa BiH: „Moje pitanje upućeno je ministru vanjske trgovine i ekonomskih odnosa gospodinu Šaroviću, evo imam sreću da je on danas ovdje prisutan. Vidim da je jučer i Vijeće ministara zasjedalo i donijelo određene odluke, a tiču se adaptacije Sporazuma o prilagođavanju Bosne i Hercegovine sa EU. Evo ja sam tad planirao reći, kako saznajem iz izvora, a izvor je medijski prostor, stavovi su približeni ali i zadnji pregovori završeni su bez postignutog konačnog dogovora. Podsjećam da je ... ovog sporazuma uslov da bi zahtjev Bosne i Hercegovine za članstvo u EU bio kredibilan. Gospodine ministre, tražim od Vas da nas informirate o dosadašnjem toku

pregovora, što podrazumijeva da nam kažete šta su bili naši zahtjevi, zahtjevi Evropske komisije, postignuti kompromisi i kada očekujete postizanje dogovora?“²

- Odgovor na pitanje dao je ministar vanjske trgovine i ekonomskih odnosa BiH Mirko Šarović. Poslanik Salko Sokolović zatražio je odgovor i u pisanoj formi.

Borislav Bojić

Pitanje upućeno predsjedavajućem Vijeća ministara BiH: „Da li je Vijeće ministara BiH pripremio prijedlog načina rješavanja problema državljana Bosne i Hercegovine, koji su bili zaposleni i nastanjeni u Hrvatskoj, a u periodu od 1991. do 1995. godine su otpušteni s posla, odnosno da li su ovo pitanje otvorili na ministarskom nivou s Republikom Hrvatskom, s obzirom na to da smo ovo pitanje više puta postavljali u 2015. godini, pred ovim domom i Zajedničkom komisijom za ljudska prava, doneseni su zaključci koji još nikada nisu realizirani?“

- Predsjedavajući Vijeća ministara BiH Denis Zvizdić nije prisustvovao sjednici Doma u dijelu koji se odnosi na usmena poslanička pitanja. Poslanik Borislav Bojić zatražio je odgovor u pisanoj formi.

Dušanka Majkić nije prisustvovala sjednici.

Damir Arnaut

Pitanje upućeno ministru finansija i trezora BiH: „Koji je ukupan iznos u periodu između 1.1.2016. i 9.5.2016. isplaćen iz budžeta institucija BiH na ime naknade za rad u upravnim odborima, nadzornim odborima, komisijama, te svim drugim radnim tijelima? Pored tog ukupnog iznosa, molim Vas za informaciju o pojedinačnom utrošku za te potrebe klasificirano po svakoj pojedinačnoj instituciji BiH.“

- Odgovor na pitanje dao je ministar finansija i trezora BiH Vjekoslav Bevanda. Poslanik Damir Arnaut izrazio je zadovoljstvo dobivenim odgovorom i zatražio odgovor i u pisanoj formi.

Hazim Rančić

Pitanje upućeno ministru finansija i trezora BiH: „U fazi izrade su Zakon o korištenju i upravljanju državnom imovinom i Zakon o restituciji. Iz medija smo informirani o tome da se ponovo oživljava rad Komisije za dodjelu na korištenje državne imovine, čime se zapravo raspolaze državnom imovinom na jedan neprincipijelan način, bez zakonom utvrđenih kriterija, principa i sankcija za njihovo nepoštivanje. Stoga je neophodno donošenje zakona kojima se reguliraju ove oblasti.“

- Odgovor na pitanje dao je ministar finansija i trezora BiH Vjekoslav Bevanda. Poslanik Hazim Rančić komentirao je dobiveni odgovor.

Momčilo Novaković nije prisustvovao sjednici.

Senad Šepić

Pitanje upućeno predsjedavajućem Vijeća ministara BiH: „Šta Vijeće ministara BiH konkretno radi na izradi Programa za sprečavanje negativnog trenda odlaska iz BiH i

² Izvod iz neautoriziranog transkripta 31. sjednice Predstavničkog doma PSBiH

zapošljavanje mladih, koje su konkretno mjere i koliko tačno sredstava je planirano za ovu oblast kroz prijedloge koje je bh. strana predložila u pregovorima s MMF-om u procesu traženja novog kredita kod ove institucije?“

Predsjedavajući Vijeća ministara BiH Denis Zvizdić nije prisustvovao sjednici Doma u dijelu koji se odnosi na usmena poslanička pitanja. Poslanik Senad Šepić rekao je da će pitanje ponoviti na narednoj sjednici, kada bude omogućeno postavljanje pitanja u usmenoj formi.

Mirsad Đonlagić

Pitanje upućeno ministru civilnih poslova BiH: „Nedavni događaji s ekvalencijom, odnosno izjednačavanjem diplomiranih i master zvanja uvjerili su nas još jednom u haotično stanje u visokom obrazovanju u Bosni i Hercegovini. Ovdje želim da napomenem kako još uvijek na pojedinim univerzitetima kao postdiplomski studij tretiraju jednogodišnji master studij, a prema Bolonjskim principima, postdiplomski studij je u suštini doktorski studij, jer prva diploma je diploma mastera koja se izdaje a nakon okončanja prvog ciklusa, a to je taj trogodišnji ciklus, izdaje se certifikat o završenom ciklusu a ne diploma, a kod nas se još uvijek izdaju diplome. Naravno, ovo naglašavam jer se u Bosni i Hercegovini diploma izdaje poslije prvog ciklusa, kao što sam rekao. Ovo izjednačavanje studija u neravnopravan položaj dovodi one koji su bili primorani da studiraju jednogodišnji master studij definiran kao postdiplomski studij, što je naravno pogrešno, i zato su morali platiti najmanje 7.000 maraka, a u nekim slučajevima i znatno više, što je još jedna dodatna dimenzija koja baca zaista vrlo sumnjivo svjetlo na ovaj problem. Ovi navedeni problemi su samo dio problema, kako sam rekao, koji vlada u visokom obrazovanju. Mene interesira da li Ministarstvo civilnih poslova BiH namjerava intervenirati po ovom pitanju i šta namjerava učiniti?“³

- Odgovor na pitanje dao je zamjenik ministra civilnih poslova BiH Đorđe Miličević. Poslanik Mirsad Đonlagić komentirao je dobiveni odgovor.

Šefik Džaferović

Pitanje upućeno Vijeću ministara BiH: „Šta je do sada preduzeto po pitanju provođenja Zakona o sistemu državne pomoći u Bosni i Hercegovini? Postoje li problemi u provođenju navedenog zakona te, ako ih ima, koji su i kakav je plan daljnjeg provođenja Zakona o sistemu državne pomoći u Bosni i Hercegovini?“

- Odgovor na pitanje dao je ministar vanjske trgovine i ekonomskih odnosa BiH Mirko Šarović. Poslanik Šefik Džaferović zatražio je odgovor i u pisanoj formi.

Nermina Kapetanović

Pitanje upućeno ministru sigurnosti BiH: „Kada će Ministarstvo sigurnosti BiH izraditi multidisciplinarnu i sveobuhvatnu strategiju u pogledu trgovine ljudima, koja se uglavnom treba zasnivati na unapređenju saradnje između policije i tužilaštava, razmjeni podataka i istragama, kako bi država osigurala pristup prema žrtvama trgovine ljudima?“

- Odgovor na pitanje dao je zamjenik ministra sigurnosti BiH Mijo Krešić. Poslanica Nermina Kapetanović komentirala je dobiveni odgovor.

³ Izvod iz neautoriziranog transkripta 31. sjednice Predstavničkog doma PSBiH

U vezi sa izmjenama i dopunama dnevnog reda sjednice, predsjedavajući je napomenuo sljedeće:

S dnevnog reda skinute su:

Tačka 11. Prijedlog zakona o izmjenama i dopunama Izbornog zakona Bosne i Hercegovine, predlađač: poslanik Željko Komšić, zakon broj: 01-02-1-1305/16, od 4.5.2016. (prvo čitanje), jer je predlađač povukao Prijedlog zakona iz parlamentarne procedure,

Tačka 17. Izvještaj o stanju radijacijske i nuklearne sigurnosti za 2015. godinu, podnosilac: Državna regulatorna agencija za radijacijsku i nuklearnu sigurnost BiH, broj: 01,02-50-19-1500/16, od 19.5.2016., zbog nemogućnosti prisustva podnosioca Izvještaja sjednici Doma i

Tačka 18. Informacija o stanju sigurnosti u BiH za 2015. godinu, podnosilac: Ministarstvo sigurnosti BiH, broj: 01,02-04-1339/16, od 6. 5. 2016., na zahtjev Zajedničke komisije za odbranu i sigurnost BiH.

U dnevni red dodate su:

Tačka 16. Prijedlog odluke o razrješenju sekretara Zajedničke službe Sekretarijata Parlamentarne skupštine BiH, predlađač: Kolegij Predstavničkog doma PSBiH, akt broj: 01-50-1-1384-1/16, od 14. 6. 2016.,

Tačka 17. Prijedlog odluke o imenovanju sekretara Zajedničke službe Sekretarijata Parlamentarne skupštine BiH, predlađač: Kolegij Predstavničkog doma, akt broj: 01-50-1-1384-2/16, od 14. 6. 2016.

Dopunjena je **tačka 7.** koja sada glasi: **Izjašnjavanje Predstavničkog doma o utvrđivanju novog roka za dostavljanje Izvještaja o Prijedlogu zakona o dopunama Zakona o parničnom postupku pred Sudom BiH, predlađač: Vijeće ministara BiH, zakon broj: 01,02-02-1-609/16, od 18. 3. 2016., te:**

Tačka 8. Prijedlog okvirnog zakona o liječenju neplodnosti biomedicinski potpomognutom oplodnjom, predlađač: Komisija za ostvarivanje ravnopravnosti spolova, zakon broj: 01-02-1-882/16, od 17. 3. 2016.,

Tačka 9. Prijedlog zakona o dopunama Zakona o javnim nabavkama, predlađač: poslanik Damir Bećirović, zakon broj: 01-02-1-1303/16, od 4. 5. 2016. i

Tačka 10. Prijedlog zakona o dopuni Zakona o Vijeću ministara Bosne i Hercegovine, predlađač: poslanik Damir Bećirović, zakon broj: 01-02-1-1304/16, od 4. 5. 2016., s mišljenjima Ustavnopravne komisije.

Nakon ovih napomena predsjedavajući je otvorio raspravu o dnevnom redu sjednice.

U raspravi su učestvovali: Denis Bećirović, Nikola Lovrinović i Sadik Ahmetović.

Nakon rasprave, predsjedavajući je konstatirao da 31. sjednica Predstavničkog doma ima sljedeći

DNEVNI RED

1. Usvajanje Zapisnika 30. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sprečavanju pranja novca i finansiranja terorističkih aktivnosti po hitnom postupku, zakon broj: 01,02-02-1-1567/16, od 27.5.2016.;
4. Prijedlog zakona o kontroli vanjskotrgovinskog prometa robe dvojne namjene, predlagač: Vijeće ministara BiH, zakon broj: 01,02-02-1-748/16, od 4. 3. 2016. (drugo čitanje);
5. Prijedlog zakona o kontroli vanjskotrgovinskog prometa oružja, vojne opreme i robe posebne namjene, predlagač: Vijeće ministara BiH, zakon broj: 01,02-02-1-752/16, od 4. 3. 2016. (drugo čitanje);
6. Prijedlog zakona o izmjenama i dopunama Zakona o sportu u Bosni i Hercegovini, predlagač: poslanica Maja Gasal-Vražalica, zakon broj: 01-02-1-742/16, od 3. 3. 2016. (drugo čitanje);
7. Izjašnjavanje Predstavničkog doma o utvrđivanju novog roka za dostavljanje Izvještaja o Prijedlogu zakona o dopunama Zakona o parničnom postupku pred Sudom BiH, predlagač: Vijeće ministara BiH, zakon broj: 01,02-02-1-609/16, od 18. 3. 2016.;
8. Prijedlog okvirnog zakona o liječenju neplodnosti biomedicinski potpomognutom oplodnjom, predlagač: Komisija za ostvarivanje ravnopravnosti spolova, zakon broj: 01-02-1-882/16, od 17.3.2016., s Mišljenjem Ustavnopravne komisije;
9. Prijedlog zakona o dopunama Zakona o javnim nabavkama, predlagač: poslanik Damir Bećirović, zakon broj: 01-02-1-1303/16, od 4.5.2016., s Mišljenjem Ustavnopravne komisije;
10. Prijedlog zakona o dopuni Zakona o Vijeću ministara Bosne i Hercegovine, predlagač: poslanik Damir Bećirović, zakon broj: 01-02-1-1304/16, od 4.5.2016., s Mišljenjem Ustavnopravne komisije;
11. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine, predlagači: poslanici Amir Fazlić i Mirsad Đonlagić, zakon broj: 01-02-1-1417/16, od 13.5.2016. (prvo čitanje);
12. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o zabrani diskriminacije, predlagač: Vijeće ministara BiH, zakon broj: 01,02-02-1-341/16, od 4.3.2016. (zakon u drugom čitanju);
13. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o izmjenama i dopunama Zakona o upravnom postupku (predlagač: Vijeće ministara BiH, zakon broj : 01,02-02-1-929/16, od 21.3. 2016.);
14. Izvještaj komisije Kolegija o nastojanju za postizanje saglasnosti o Informaciji o radu Tužilaštva BiH za 2015. godinu, akt broj: 01-09-1205/16, od 21.4.2016.;
15. Izvještaj komisije Kolegija o nastojanju za postizanje saglasnosti o poslaničkoj inicijativi Denisa Bećirovića, podnesenoj 27.4.2016., koja glasi: „*Predstavnički dom PSBiH*“

poziva nadležne organe Grada Mostara da u najkraćem roku ukinu neprimjerene nazive ulica u Mostaru koje nose imena zvaničnika fašističke NDH Mile Budaka, Jure Francetića, Ante Vokića i Mladena Lorkovića“, akt broj: 01-50-1-1254/16;

16. Prijedlog odluke o razrješenju sekretara Zajedničke službe Sekretarijata Parlamentarne skupštine Bosne i Hercegovine, zbog promjene parlamentarne većine, predlagač: Kolegij Predstavničkog doma PSBiH, akt broj: 01-50-1-1384-1/16, od 14.6.2016.;
17. Prijedlog odluke o imenovanju sekretara Zajedničke službe Sekretarijata Parlamentarne skupštine Bosne i Hercegovine, predlagač: Kolegij Predstavničkog doma PSBiH, akt broj: 01-50-1-1384-2/16, od 14.6.2016.;
18. Davanje saglasnosti za ratifikaciju Sporazuma između Vijeća ministara BiH i Kabineta ministara Ukrajine o saradnji u borbi protiv kriminala, broj: 01,02-05-2-1420/16, od 16.5.2016. (odgođeno izjašnjavanje na 30.sjednici, održanoj 24.5.2016.).

Ad.1. Usvajanje Zapisnika 30. sjednice Predstavničkog doma Parlamentarne skupštine BiH

Predsjedavajući je rekao da je poslanicima dostavljen Zapisnik.

Nikola Lovrinović iznio je primjedbe na Zapisnik.

Zapisnik 30. sjednice usvojen je s 32 glasa „za“ (iz Federacije BiH 26, iz Republike Srpske šest), bez glasova „protiv“ i dva glasa „suzdržan“.

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Mirsad Đonlagić** – postavio pitanje Vijeću ministara BiH, Vladi Federacije BiH i Vladi Republike Srpske
- **Dušanka Majkić** – postavila pitanje predsjedavajućem Vijeća ministara BiH.

Sadržaj postavljenih pitanja je sljedeći:

Mirsad Đonlagić

Pitanje postavljeno Vijeću ministara BiH, Vladi Federacije BiH i Vladi Republike Srpske: „U posljednje vrijeme u javnosti se češće čuju i vide protesti ljudi, pogođenih poplavama, koji nisu zadovoljni vrstom pomoći kao i raspodjelom sredstava i općenito onim što su dobili od državnih institucija. Imajući u vidu znatna sredstva koja su pristigla iz inozemstva, kao i od

institucija iz Bosne i Hercegovine, tražim od Vijeća ministara BiH, kao i entitetskih vlada izvještaj o prikupljenim sredstvima i raspoređenim sredstvima, kao i efektima dosadašnjih preduzetih mjera u sanaciji poplavljenih područja.“

Dužanka Majkić

Pitanje postavljeno predsjedavajućem Vijeća ministara BiH, u vezi sa BHANSA-om: „Molim da mi se dostave sljedeći dokumenti ove agencije:

- 1) Godišnji program rada i Finansijski plan Agencije BHANSA za 2015. godinu
- 2) Godišnji izvještaj Vijeća Agencije o radu BHANSA za 2015. godinu
- 3) Bilans stanja i uspjeha za 2015. godinu i
- 4) Posljednji revizorski izvještaj Agencije.

Tokom sjednice pitanja i inicijative u pisanoj formi postavili su poslanici:

- **Diana Zelenika** – postavila pitanje Javnom preduzeću „Autoceste FBiH“ d.o.o.
- **Senad Šepić** – postavio dva pitanja Vijeću ministara BiH
- **Denis Bećirović** – uputio inicijativu Kolegiju Predstavničkog doma PSBiH

Sadržaj postavljenih pitanja je sljedeći:

Diana Zelenika

Pitanje postavljeno Javnom preduzeću „Autoceste FBiH“ d.o.o.: „Kada će biti organizirano potpisivanje ugovora o stipendiranju od strane „JP Autoceste FBiH d.o.o. i zašto se ovoliko dugo čeka na to?“

Senad Šepić

Pitanja postavljena Vijeću ministara BiH:

1. „U kojoj fazi je i šta institucije konkretno rade na rješavanju slučaja Fata Orlović iz Konjević-Polja?“
2. Koje su konkretno mjere i koliko je tačno sredstava planirano za zapošljavanje, posebno mladih, a koje je bh. strana predložila u pregovorima s MMF-om u procesu traženja novog kredita kod ove institucije?“

Denis Bećirović

Inicijativa upućena Kolegiju Predstavničkog doma PSBiH: „

“Zadužuje se Vijeće ministara BiH da, najkasnije u roku od 90 dana od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi izvještaj o primjeni Sporazuma o osnivanju javnih korporacija Bosne i Hercegovine (Aneks 9. Dejtonskog mirovnog sporazuma), s prijedlogom akcionog plana za primjenu navedenog sporazuma.“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanje **Maje Gasal-Vražalice**, postavljeno u usmenoj formi na 13. sjednici, odgovor dostavilo Ministarstvo vanjske trgovine i ekonomskih odnosa BiH,
- Na pitanje **Aleksandre Pandurević**, postavljeno u pisanoj formi na 30. sjednici, odgovor dostavila Poreska uprava Republike Srpske,
- Na pitanje **Sadika Ahmetovića**, postavljeno u pisanoj formi na 29. sjednici, odgovor dostavila Uprava za indirektno oporezivanje BiH,
- Na pitanje **Denisa Bećirovića** odgovor dostavilo Ministarstvo odbrane BiH,
- Na pitanje **Nikole Lovrinovića** odgovor dostavilo Javno preduzeće RTV Republike Srpske.

Dostavljene odgovore komentirali su poslanici Maja Gasal - Vražalica i Nikola Lovrinović.

Maja Gasal – Vražalica izrazila je nezadovoljstvo, jer od Ministarstva pravde BiH nije dobila odgovor na pitanje postavljeno prije tri mjeseca.

Nikola Lovrinović istakao je da nije dobio odgovor od Javnih RTV servisa BiH i Federacije BiH, kao i to da još čeka odgovor Tužilaštva BiH.

Ad.3. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sprečavanju pranja novca i finansiranja terorističkih aktivnosti po hitnom postupku, zakon broj: 01,02-02-1-1567/16, od 27.5.2016.

Predsjedavajući je dao uvodne napomene i otvorio raspravu o proceduri.

Zahtjev Vijeća ministara BiH za razmatranje Prijedloga zakona o izmjenama i dopunama Zakona o sprečavanju pranja novca i finansiranja terorističkih aktivnosti po hitnom postupku usvojen je s 26 glasova „za“ (iz Federacije BiH 21, iz Republike Srpske pet), bez glasova „protiv“ i osam glasova „suzdržan“.

Predsjedavajući je otvorio raspravu o Prijedlogu zakona. Nije bilo prijavljenih.

Prijedlog zakona o izmjenama i dopunama Zakona o sprečavanju pranja novca i finansiranja terorističkih aktivnosti usvojen je s 32 glasa „za“ (iz Federacije BiH 26, iz Republike Srpske 6), bez glasova „protiv“ i jednim glasom „suzdržan“.

Ad.4. Prijedlog zakona o kontroli vanjskotrgovinskog prometa robe dvojne namjene, predlažać: Vijeće ministara BiH, zakon broj: 01,02-02-1-748/16, od 4. 3. 2016. (drugo čitanje)

Predsjedavajući je otvorio raspravu. Nije bilo prijavljenih.

Prijedlog zakona o kontroli vanjskotrgovinskog prometa robe dvojne namjene usvojen je u drugom čitanju s 32 glasa „za“ (iz Federacije BiH 25, iz Republike Srpske sedam), bez glasova „protiv“ i jednim glasom „suzdržan“.

Ad.5. Prijedlog zakona o kontroli vanjskotrgovinskog prometa oružja, vojne opreme i robe posebne namjene, predlagač: Vijeće ministara BiH, zakon broj: 01,02-02-1-752/16, od 4. 3. 2016. (drugo čitanje)

Predsjedavajući je dao uvodne napomene. Diskutirao je Nikola Lovrinović.

Prijedlog zakona o kontroli vanjskotrgovinskog prometa oružja, vojne opreme i robe posebne namjene usvojen je u drugom čitanju s 32 glasa „za“ (iz Federacije BiH 26, iz Republike Srpske šest), bez glasova „protiv“ i jednim glasom „suzdržan“.

Ad.6. Prijedlog zakona o izmjenama i dopunama Zakona o sportu u Bosni i Hercegovini, predlagač: poslanica Maja Gasal-Vražalica, zakon broj: 01-02-1-742/16, od 3. 3. 2016. (drugo čitanje)

Nakon uvodnih napomena predsjedavajućeg, otvorena je rasprava.

U raspravi su učestvovali: Nikola Lovrinović, Mirsad Đonlagić, Maja Gasal - Vražalica i Zaim Backović.

Prijedlog zakona o izmjenama i dopunama Zakona o sportu u Bosni i Hercegovini usvojen je u drugom čitanju s 22 glasa „za“ (iz Federacije BiH 17, iz Republike Srpske pet), četiri glasa „protiv“ i sedam glasova „suzdržan“.

Nikola Lovrinović podnio je Prijedlog amandmana koji glasi:

Amandman I.

Član 3. Prijedloga zakona o izmjenama i dopunama Zakona o sportu u Bosni i Hercegovini mijenja se i glasi:

„U članu 6. (Osnovni principi organiziranja sporta) tačka c) mijenja se i glasi:

„c) zabranjena je diskriminacija u sportu u skladu sa Zakonom o zabrani diskriminacije i Zakonu o ravnopravnosti spolova u Bosni i Hercegovini čime se osigurava jednaka dostupnost sportu.“

Iza tačke c) dodaje se nova tačka d) koja glasi:

„d) zabrana raspirivanja mržnje i netrpeljivosti zbog bilo kojeg ličnog svojstva;“

Dosadašnje tačke od d) do i) postaju tačke od e) do j) .“

Prijedlog amandmana nije usvojen s 11 glasova „za“ (iz Federacije BiH šest, iz Republike Srpske pet), 16 glasova „protiv“ i šest glasova „suzdržan“.

Ad.7. Izjašnjavanje Predstavničkog doma o utvrđivanju novog roka za dostavljanje Izvještaja o Prijedlogu zakona o dopunama Zakona o parničnom postupku pred Sudom BiH, predlagač: Vijeće ministara BiH, zakon broj: 01,02-02-1-609/16, od 18. 3. 2016.

Nakon uvodnih napomena predsjedavajućeg nije bilo prijavljenih za raspravu.

Dom je, s 27 glasova „za“ (iz Federacije BiH 21, iz Republike Srpske šest), bez glasova „protiv“ i šest glasova „suzdržan“, utvrdio produženje roka Ustavnoj komisiji od 30 dana za dostavljanje izvještaja o Prijedlogu zakona o dopunama Zakona o parničnom postupku pred Sudom BiH.

Ad.8. Prijedlog okvirnog zakona o liječenju neplodnosti biomedicinski potpomognutom oplodnjom, predlažak: Komisija za ostvarivanje ravnopravnosti spolova, zakon broj: 01-02-1-882/16, od 17.3.2016., s Mišljenjem Ustavne komisije

Nakon uvodnih napomena, otvorena je rasprava.

Diskutirao je Mirsad Isaković.

Nakon toga, Dom se izjasnio o Mišljenju Ustavne komisije o Prijedlogu okvirnog zakona o liječenju neplodnosti biomedicinski potpomognutom oplodnjom. Mišljenje nije usvojeno. „Za“ je glasalo 11 poslanika (iz Federacije BiH pet, iz Republike Srpske šest), 22 „protiv“ i bez glasova „suzdržan“. Predsjedavajući je konstatirao da je o Prijedlogu okvirnog zakona o liječenju neplodnosti biomedicinski potpomognutom oplodnjom obustavljen zakonodavni postupak, u skladu s članom 113. stav (4) Poslovnika.

Ad.9. Prijedlog zakona o dopunama Zakona o javnim nabavkama, predlažak: poslanik Damir Bećirović, zakon broj: 01-02-1-1303/16, od 4.5.2016., s Mišljenjem Ustavne komisije

Nakon uvodnih napomena nije bilo rasprave.

Dom se izjasnio o Mišljenju Ustavne komisije o Prijedlogu zakona o dopunama Zakona o javnim nabavkama. Mišljenje nije usvojeno. „Za“ je glasalo 11 poslanika (iz Federacije BiH pet, iz Republike Srpske šest), 22 „protiv“ i bez glasova „suzdržanih“. Predsjedavajući je konstatirao da je o Prijedlogu zakona o dopunama Zakona o javnim nabavkama obustavljen zakonodavni postupak, u skladu s članom 113. stav (4) Poslovnika.

Ad.10. Prijedlog zakona o dopuni Zakona o Vijeću ministara Bosne i Hercegovine, predlažak: poslanik Damir Bećirović, zakon broj: 01-02-1-1304/16, od 4.5.2016., s Mišljenjem Ustavne komisije

Nakon uvodnih napomena nije bilo rasprave.

Dom se izjasnio o Mišljenju Ustavne komisije o Prijedlogu zakona o dopuni Zakona o Vijeću ministara Bosne i Hercegovine. Mišljenje nije usvojeno. „Za“ je glasalo 10 poslanika (iz Federacije BiH četiri, iz Republike Srpske šest), 22 „protiv“ i jedan „suzdržan“. Predsjedavajući je konstatirao da je o Prijedlogu zakona o dopuni Zakona o Vijeću ministara Bosne i Hercegovine obustavljen zakonodavni postupak, u skladu s članom 113. stav (4) Poslovnika.

Ad.11. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine, predlagači: poslanici Amir Fazlić i Mirsad Đonlagić, zakon broj: 01-02-1-1417/16, od 13.5.2016. (prvo čitanje)

Predsjedavajući je dao uvodne napomene i otvorio raspravu.

U raspravi su učestvovali: Nikola Lovrinović, Amir Fazlić, Šefik Džaferović, Aleksandra Pandurević, Zaim Backović, Hanka Vajzović, Salko Sokolović, Jasmin Emrić, Predrag Kožul, Senad Šepić, Monika Tomić, Mirsad Đonlagić, Maja Gasal - Vražalica, Borjana Krišto, Fehim Škaljić, Mirsad Mešić i Denis Bećirović.

Amir Fazlić i Aleksandra Pandurević u raspravi su predložili zaključke.

Predsjedavajući je dao na glasanje Prijedlog zakona. S 22 glasa „za“ (iz Federacije BiH 21, iz Republike Srpske jedan), 10 glasova „protiv“ i jednim glasom „suzdržan“, Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine nije dobio potrebnu entitetsku većinu. Predsjedavajući je rekao da će Kolegij Doma kao komisija obaviti naknadno usaglašavanje.

O prijedlozima zaključaka nije se glasalo.

Ad.12. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o zabrani diskriminacije, predlagač: Vijeće ministara BiH, zakon broj: 01,02-02-1-341/16, od 4.3.2016. (zakon u drugom čitanju)

Nakon uvodnih napomena predsjedavajućeg, nije bilo rasprave.

Dom je, s 28 glasova „za“, četiri „protiv“ (iz Federacije BiH) i jednim glasom „suzdržan“, u drugom krugu glasanja **usvojio** Prijedlog zakona o izmjenama i dopunama Zakona o zabrani diskriminacije. Time su usvojeni i amandmani sadržani u Izvještaju Zajedničke komisije za ljudska prava PSBiH, koji glase:

Amandman I.

U Prijedlogu zakona o izmjenama i dopunama Zakona o zabrani diskriminacije član 1. mijenja se glasi:

„Član 1.

U Zakonu o zabrani diskriminacije („Službeni glasnik BiH“ broj 59/09), u članu 2. stav (1) iza riječi: „osobi ili grupi osoba“, dodaju se riječi: „i onima koji su s njima u rodbinskoj ili drugoj vezi“. Iza riječi: „etničke pripadnosti“, stavlja se zarez i dodaju riječi: „invaliditet, starosna dob“. Iza riječi: „društvenog položaja i spola“, riječi: „spolnog izražavanja ili orijentacije“, mijenjaju se riječima: „seksualne orijentacije, rodnog identiteta, spolnih karakteristika“. Iza riječi: „u svim oblastima“ riječ: „javnog“ briše se.“.

Amandman II.

U članu 3. Prijedloga zakona, koji se odnosi na član 4. Zakona, u stavu (1) riječi: „člana 1. stav (1)“, zamjenjuju se riječima: „člana 2. stav (1)“.

U istom članu riječi: „U članu 4. stav (6) mijenja se i glasi: (6) Viktimizacija predstavlja svaki oblik nepovoljnog postupanja prema osobama koje su u dobroj vjeri prijavile ili namjeravaju prijaviti diskriminaciju, prisustvovala ili svjedočile diskriminaciji, odbile nalog za diskriminatornim postupanjem, na bilo koji način učestvovala u postupku za zaštitu od diskriminacije, pružile ili imale namjeru ponuditi informacije ili dokumente potrebne u postupku zaštite od diskriminacije ili o diskriminatornom postupanju informirale javnost.“, zamjenjuju se i glase:

„U članu 4. stav (6) mijenja se i glasi: „(6) Težim oblikom diskriminacije smatrat će se diskriminacija počinjena prema određenoj osobi po više osnova iz člana 2. stav 1. ovog zakona (višestruka diskriminacija), diskriminacija počinjena više puta (ponovljena diskriminacija) i diskriminacija koja postoji duže vrijeme (produžena diskriminacija).“.

U istom članu riječi: „U članu 4. dodaje se novi stav (7) koji glasi: (7) Težim oblikom diskriminacije smatrat će se diskriminacija počinjena prema određenoj osobi po više osnova iz člana 2. stav 1. ovog zakona (višestruka diskriminacija), diskriminacija počinjena više puta (ponovljena diskriminacija) i diskriminacija koja postoji duže vrijeme (produžena diskriminacija)“ brišu se.

Amandman III.

Član 4. Prijedloga zakona, koji se odnosi na član 7. Zakona, mijenja se i glasi:

„Član 4.

U članu 7. stav (2) iza riječi: „Ombudsmen Bosne i Hercegovine“ dodaju se riječi: „postupa u skladu s ovim zakonom i Zakonom o ombudsmenu za ljudska prava BiH na način da:“.

U istom stavu, u tački c), iza riječi: „istražni postupak“ dodaju se riječi: „u skladu s posebnim propisima;“.

U istom stavu tačka l) mijenja se i glasi:

„l) radi na promociji ovog zakona, informira javnost, podiže svijest, provodi kampanje i na druge načine aktivno promovira borbu protiv diskriminacije u svrhu njene prevencije;“.

Amandman IV.

U članu 5. Prijedloga zakona, koji se odnosi na član 11. Zakona, iza predloženog teksta dodaje se novi stav koji glasi:

„U članu 11. dodaje se novi stav (5) koji glasi:

„(5) U skladu s općim pravilima postupka, sud i druga tijela dužni su preduzeti sve neophodne mjere kojima će se osigurati da se postupci u kojima se ispituju tvrdnje o počinjenoj diskriminaciji provedu hitno i okončaju u najkraćem mogućem roku.“.

Amandman V.

Član 8. mijenja se i glasi:

“Član 8.

Član 14. mijenja se i glasi:

Član 14.

(Mjera osiguranja)

(1) Prije pokretanja i u toku postupka povodom zahtjeva iz člana 12. stav (1) sud može na prijedlog predlagača odrediti sudsku mjeru osiguranja, odnosno privremenu mjeru osiguranja, shodno pravilima zakona o parničnom postupku koji se primjenjuju u Bosni i Hercegovini.

(2) Mjera osiguranja može se odrediti ako:

- a) predlagač učini vjerovatnim da je povrijeđeno pravo na jednako postupanje,
- b) je određivanje mjere osiguranja potrebno radi otklanjanja opasnosti od teške povrede prava na jednako postupanje, nenadoknadle štete ili sprečavanja nasilja.”.

Amandman VI.

U članu 10. Prijedloga zakona, koji se odnosi na član 16., u stavu (1) riječi: „može se kao umješak“ zamjenjuju se riječima: „može se, u skladu s pravilima parničnog postupka, kao umješak“.

Amandman VII.

U članu 11. Prijedloga zakona koji se odnosi na član 17. Zakona, u stavu (1) iza riječi :”štiti”, stavlja se tačka a riječi :” uz njihovu saglasnost ”brišu se.

Amandman VIII.

Član 12. Prijedloga zakona mijenja se i glasi:

„Član 12.

Član 18. mijenja se i glasi:

„Član 18.

(Zaštita osoba koje prijavljuju diskriminaciju ili učestvuju u postupku)

- (1) Viktimizacija, kao oblik diskriminacije, zabranjena je i predstavlja svaki oblik nepovoljnog postupanja prema osobama koje su u dobroj vjeri prijavile ili namjeravaju prijaviti diskriminaciju, prisustvovala ili svjedočile diskriminaciji, odbile nalog za diskriminatornim postupanjem, na bilo koji način učestvovala u postupku za zaštitu od diskriminacije, pružile ili imale namjeru ponuditi informacije ili dokumente potrebne u postupku zaštite od diskriminacije ili o diskriminatornom postupanju informirale javnost.“.

Amandman IX.

Član 14. Prijedloga zakona mijenja se i glasi:

„Član 14.

- (1) Postupci u predmetima u kojima do dana stupanja na snagu ovog zakona ne bude donosena prvostepena odluka suda provest će se prema odredbama ovog zakona.
- (2) Postupci u predmetima u kojima do dana stupanja na snagu ovog zakona bude donosena prvostepena odluka suda provest će se prema ranije važećim odredbama ovog zakona.

Ovaj zakon stupa na snagu osam dana od dana objavljivanja u „Službenom glasniku BiH“.

Ad.13. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o izmjenama i dopunama Zakona o upravnom postupku (predlagač: Vijeće ministara BiH, zakon broj : 01,02-02-1-929/16, od 21.3. 2016.)

Predsjedavajući je rekao da članovi Kolegija Doma u Zajedničku komisiju predlažu poslanike: Senada Šepića, Dianu Zeleniku i Đorđu Krčmara.

Dom je, s 24 glasa „za“ (iz Federacije BiH 17, iz Republike Srpske sedam), jednim „protiv“ i devet glasova „suzdržan“, usvojio ovaj prijedlog, te Senada Šepića, Dianu Zeleniku i Đorđu Krčmara imenovao u Zajedničku komisiju oba doma za postizanje identičnog teksta Zakona o izmjenama i dopunama Zakona o upravnom postupku.

Ad.14. Izvještaj komisije Kolegija o nastojanju za postizanje saglasnosti o Informaciji o radu Tužilaštva BiH za 2015. godinu, akt broj: 01-09-1205/16, od 21.4.2016.

Nakon uvodnih napomena predsjedavajućeg nije bilo rasprave.

Dom je, s 23 glasa „za“, pet „protiv“ (iz Federacije BiH) i šest glasova „suzdržan“, u drugom krugu glasanja primio k znanju Informaciji o radu Tužilaštva BiH za 2015. godinu.

Zatim se glasalo o Prijedlogu zaključka Nikole Lovrinovića koji glasi: *„Predstavnički dom Parlamentarne skupštine BiH traži od Tužilaštva BiH da na postavljena pitanja poslanika odgovara i očekuje da s Parlamentarnom skupštinom BiH potpuno sarađuje u skladu s demokratskim i ustavnim postulatima razdiobe vlasti, a na osnovu ovlaštenja jedne i druge institucije“*. Zaključak nije usvojen. „Za“ je glasalo 13 poslanika (iz Federacije BiH 12, iz Republike Srpske jedan), 14 je bilo „protiv“ i sedam „suzdržanih“.

Ad. 15. Izvještaj komisije Kolegija o nastojanju za postizanje saglasnosti o poslaničkoj inicijativi Denisa Bećirovića, podnesenoj 27.4.2016., koja glasi: „Predstavnički dom PSBiH poziva nadležne organe Grada Mostara da u najkraćem roku ukinu neprimjerene nazive ulica u Mostaru koje nose imena zvaničnika fašističke NDH Mile Budaka, Jure Francetića, Ante Vokića i Mladena Lorkovića“, akt broj: 01-50-1-1254/16

Nakon uvodnih napomena predsjedavajućeg nije bilo rasprave.

Dom je, s 23 glasa „za“, pet „protiv“ (iz Federacije BiH) i pet glasova „suzdržan“, u drugom krugu glasanja, usvojio poslaničku inicijativu Denisa Bećirovića.

Ad.16. Prijedlog odluke o razrješenju sekretara Zajedničke službe Sekretarijata Parlamentarne skupštine Bosne i Hercegovine, zbog promjene parlamentarne

većine, predlagač: Kolegij Predstavničkog doma PSBiH, akt broj: 01-50-1-1384-1/16, od 14.6.2016.

Predsjedavajući je dao uvodne napomene i otvorio raspravu.

U raspravi su učestvovali: Šefik Džaferović, Hanka Vajzović, Borjana Krišto i Zaim Backović.

Dom je, s 20 glasova „za“ (iz Federacije BiH 14, iz Republike Srpske šest), pet glasova „protiv“ i devet „suzdržan“, usvojio Odluku o razrješenju sekretara Zajedničke službe Sekretarijata Parlamentarne skupštine BiH, zbog promjene parlamentarne većine. Razriješena je Aida Koristović.

Ad.17. Prijedlog odluke o imenovanju sekretara Zajedničke službe Sekretarijata Parlamentarne skupštine Bosne i Hercegovine, predlagač: Kolegij Predstavničkog doma PSBiH, akt broj: 01-50-1-1384-2/16, od 14.6.2016.

Nakon uvodnih napomena predsjedavajućeg, diskutirala je Maja Gasal - Vražalica.

Dom je, s 24 glasa „za“ (iz Federacije BiH 18, iz Republike Srpske šest), pet glasova „protiv“ i devet glasova „suzdržan“, usvojio Odluku o imenovanju sekretara Zajedničke službe Sekretarijata Parlamentarne skupštine Bosne i Hercegovine. Na mjesto sekretara imenovan je Kenan Vehabović.

Ad.18. Davanje saglasnosti za ratifikaciju Sporazuma između Vijeća ministara BiH i Kabineta ministara Ukrajine o saradnji u borbi protiv kriminala, broj: 01,02-05-2-1420/16, od 16.5.2016. (odgođeno izjašnjavanje na 30.sjednici, održanoj 24.5.2016.)

Dom je, s 33 glasa „za“ (iz Federacije BiH 18, iz Republike Srpske šest), bez glasova „protiv“ i jednim glasom „suzdržan“, dao saglasnost za ratifikaciju Sporazuma između Vijeća ministara BiH i Kabineta ministara Ukrajine o saradnji u borbi protiv kriminala.

Sjednica je završena u 15, 15 sati.

Sastavni dio Zapisnika je transkript 31. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja

PREDSEDavajući
PREDSTAVNIČKOG DOMA
Mladen Bosić

